

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri.**

**Suliassat nalinginnaasut**

**Imm. 02 2018-2022-p tungaanut pilersaarusionermermi periusissat**

**Imm. 03 Tikaagullit qoorortoorsorluni pisassat pillugit tusarniaassut**

**Imm. 04 ”Annertuumik pisoqartillugu meeqqanut oqaloqatiginneriaatsinik  
pikkorissanissamut qinnuteqaat.**

**Imm. 05 Tamalaat.**



***Nunaqarfimmi aqutsisut immikkut ittumik ataatsiminnerat.  
20.Marts 2018 nal.13:00***

Ataatsimiinneq aallartippqo nal.13:00

*Peqataapput:*

***Atassut***

Arne Martinsen

***Siumut***

Efraim Olsen

Barnabas Larsen

*Nalunaaruteqarlutik peqataanngitsoq: Albrichtine Lynge / Feeriarnini pillugu peqataanngilaq.*



**Imm. 01 Oqaluuserisassat akuersissutigineri.**

**Aalajangiineq**

Immikkoortoq 04 oqaluuserisassanut ilanngunneqarpoq.



**Imm. 02     2018-2022-p tungaanut pilersaarusiornermi periusissat**

**2018-imit 2022-p tungaanut pilersaarusiornermi periusissat**

*Journalnr. XX.XX*

Tunuliaqutaq

Aasaanerani sulinnigfiup aallartinnginnerani tamanut tusarniutigalugu nassiuuneqarnissaa siunertaralugu pilersaarusiornissamut periusissamik nutaamik suliaqarnej aallartinneqarpoq.

Maleruagassatigut tunngavissat

Pilersaarusiorneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugu kommunip pilersaarusiorfigineqarneranut tapiliusaaq suliarineqarpoq.

Pissutsit atuuttut

Ukiuni tulliuuttuni sisamani kommunalbestyrelsi, nunaqarfimmi aqutsisut allaffeqarfillu sunik anguniagaqarnissaannik innuttaasut takussutissinniarlugit pilersaarusiornissamut periusissaaq suliarineqarpoq. Taamaattumik kommunalbestyrelsip siunnersuummik akuersissuteqarnerata kingorna, pilersaarusiornissamut periusissatut siunnersuut sapaatit akunnerini arfineq-pingasuni tamanit oqallisissiasanngorlugu tamanut saqqummiunneqassaaq.

Kommunalbestyrelsimit, nunaqarfimmi aqutsisunit innuttaasunit immersorneqarnej tunuliaqutaralugu pilersaarusiornissamut periusissamut siunnersuummik allaffeqarfik suliaqarnikuuvoq, 2018-imi marsimi aprilimilu ataatsimiititalianut nunaqarfinnilu aqutsisunut saqqummiunneqartussaalluni.

Suleqatigiinnissamik isumaqatigiisummi anguniakkat ilanngunneqarnissaat aamma atuilluartuunissamik suliniutaasut kiisalu pilersaarusiornissamut periusissaaq kingulleq aallaaviupput, taamaalillunilu anguniakkat innuttaasunut atuaruminarnerulersillugit. Ataatsimiititaliat nunaqarfinnilu aqutsisut anguniagaasut atuarnissaat pingaaruteqarpoq taamaalillunilu immikkoortuni ataasiakkaani attuumassuteqartuni anguniagaasunik qulakkeerinnissallutik.

Atuilluartuunissakkut kingunerisinnaasai

Pilersaarusiornissamut periusissami nutaami suliaqarnermi ataaseq pingaaruteqartoq tassaavoq, atuilluartuunissamik suliniutaasuniit anguniakkanik ilanngussinissap qulakkeerneqarnissaa. Tassani ilaatigut atuilluartuunissamik suliniuteqarnej ersarissarniarlugu, kisianni aamma atuilluartuunissamik suliniutitaasut Qeqqata Kommuniata suliaqarfiini atuilluartuunissamik suliniutinit ukiuni sisamani aggersuni aallaaviummata pingaaruteqartut.

Aningaasaqarnikkut allaffissornikkullu kingunerisinnaasai

Suliaq toqqaannartumik aningaasaqarnikkut kingunissaqanngilaq, anguniakkanilli piviusunngortitsinitsinni suliasatsinnik qanoq aaqqiinissatsinnut pingaarnersiuiinissatsinnullu sunniuteqarsinnaassalluni.



### Allaffeqarfiup naliliinera

Allaffeqarfiup nalilerpaa misilittagaralugulu, pilersaarusiornissamut periusissamik suliaqartarneq pingaaruteqartuusoq aammalu qaninnerusoq ungasinnerusorlu isigalugit anguniakkanik anguniagaqartumik sulinikkut naammassinniffiusinnaasoq. Anguniakkanut ataatsimiititaliat ataasiakkaat kommunalbestyrelsilu piginnittutut misigisimanissaat aammalu anguniakkat politikkillu akornanni ataqatigiittoqarnissaa pingaaruteqarpoq.

Kangaamiuni nunaqarfimmi aqutsisut suliamik suliaqarnerminni, anguniakkat nunaqarfimmi aqutsisut akisussaaffiit tunngassuteqartut eqqartornissaat pingaartittariaqarpaat.

Kangaamiunut tunngatillugu ".....-supparput/-ppagut" ima oqaasertalerneqassasut siunnersuutigineqarpoq:

- Nunaqarfimmi aqutsisut suleqatigalugit sammisanut aningaasaliissutit naliliiffigineqaqqinnissaat salliukkusupparput
- Nutaanik puttasuliinikkut aammalu atortunik inissiivissanik pilersitsinikkut umiatsiaararsortunut pitsanngorsaanissaq qulakkeerusuppagut.
- Nunaqarfimmi eqqagassat katersoriarlugit, illoqarfimmi ikuallaavinnut nassiukkusuppagut
- Tikikkuminarsaarulluta nunaqarfimmi inuusuttunut, innarluutilinnut, utoqqarnut pisinnaanerusunut inissialiortitserusuppagut.
- Aalisakkanik suliaqartarnermi pitsanngorsaarnermilu periarfissat atorluarsinnaaqullugit, nunaqarfimmi inuutissarsiorfissanik nutaanik pilersitsisoqarsinnaajuarnissaa salliukkusuppagut.
- Kangaamiuni takornialerinerup ineriartortinneqarnissaa, sisorariartitsillunilu immikkut akuersissutinut tunngatillugu Kangaamiormiut peqataatinneqarnissaa qulakkeerusuppagut.
- Meeqquerivik atuarfimmu atalersikkusupparput, atuarfillu nutartertikkusullutigu
- Eqqaavissuup avannaatungaani siunissami umiarsualivissaq sulissutigerusupparput

### **Innersuussut**

Innersuussutigineqarpoq, siuliani ".....-supparput/-ppagut" oqaasertalerneqarsimasut Kangaamiuni nunaqarfimmi aqutsisut eqqartussagaat, allannguutissaqassagunillu allannguutissatut siunnersuusiussasut.

### **Aalajangiineq**

Tikikkuminarsaarulluta nunaqarfimmi inuusuttunut, innarluutilinnut, utoqqarnut pisinnaanerusunut inissialiortitserusuppagut

### **Ilanngussaq**

1. 2014-imit 2018 tikillugu pilersaarusiornermi periusissat



**Imm. 03 Tikaagullit qoorortoorsorluni pisassat pillugit tusarniaassut**

*J.nr.*

Nunaqarfimmi aqutsisut: Kangaamiut, Atammik/Napasog

Matumuuna ingerlateqqippara 2018-imi nunap immikkoortuinut tikaagullittassat agguanneqarneri. Takuneqarsinnaavoq Maniitsup aqutsiveqarfia qoorortoorsorluni pisassanik 4-nik tunineqartoq.

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersumi §4, imm. 3 naapertorlugu matumuuna tusarniaavigaassi. Qinnuvigissavassi pisassat taakku 4-t aqutsiveqarfiup iluani agguaanissaannut oqaaseqaateqaqqullusi / Siunnersuuteqaqqullusi.

Oqaaseqaat maanga apuunneqassaaq kingusinnerpaamik 19. marts 2018.

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersoq

§ 4, Imm. 3. **Tikaagullimmik**, arfivimmik aamma qipoqqarmik piniarnissamut akuersissutit tunniunneqartarput kommunalbestyrelsimut qinnuteqartoqareernerata kingorna **nunaqarfinni siulersuisut** aamma najukkami **aalisartunut piniartunullu peqatigiiffik** tusarniaavigereerlugit. Piniarsinnaanermut akuersissutit agguanneqassapput allattuiffissat normulersukkat Piniarnermut Naalakkersuisoqarfiup kommunalbestyrelsimut nassiussugai atorlugit.

**Aalajangiineq**

Qoorortoorsorluni tikaagullit sisamat akuersaarneqarput, taakkulu piffinnut tamanut agguanneqassasut.



**Imm. 04 ”Annertuumik pisoqartillugu meeqqanut oqaloqatiginneriaatsinik pikkorissaanissamat qinnuteqaat.**

*J.nr.*

Tunuliaqutaq:

Oqaluuserisassanngortitsisoq siulittaasoq Barnabas Larsen.

“Annertuumik pisoqartillugu meeqqanut oqaloqatiginneriaatsinik pikkorissarnissamat” 18.000,00 kr  
konto: 1820603501 atorlugu tapiisoqaqqullugu qinnuteqarpoq. Psykoterapeut Elisabeth Wille  
Kangaamiunut tikisillugu pikkorisaasinnaavoq.

Pikkorissagassat atuarfik, meeqquerivik, Kommuunip Allaffia, nakorsiarfik, kiisalu inuusuttut  
kajumittut pikkorissaanermi peqataasinnaallutik, tamannalu ulluni sisamani ingerlanneqassaaq.

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai konto 1820603501 ima annertutigisumik imaqarpoq:  
116.000,00 kroner.

**Innersuussut**

Allaffeqarfiup innersuussutigaa, konto 1820603501 atorlugu tapiisoqarsinnaasoq tamannali  
ilaasortat oqallisigalugu aalajangiissasut.

**Aalanginneq**

Akuerineqarpoq.

18.000,00 kr konto: 1820603501 atorlugu akilerneqassaaq.  
Siulittaasoq aalajangiiniarnermi anivoq.



**Imm. 05 Tamalaat.**

- Konto:1820603501 pillugu 30/4/2018 ataatsimiititaliamut ingerlatinneqassaaq.
- Haaleqqap killiffia eqqaaneqarpoq.
- Siulittaasoq ulluni: 26/3-9/4-2018 ilanngullugu feeriassaaq tassanilu E.O.sillimasuusaaq.
- Marts 2018 naalerpat qatserisartut tamangajammik aallaqqassasut ilisimatitsissutigineqarpoq.
- Atuarfik pilersarusiorneqarpoq.





*Nunaqarfimmi aqutsisut immikkut ittumik ataatsiminnerat.  
20.Marts 2018 nal.13:00*

Ataatsimiinneq naammassivoq nal:13:20

